

Tico Croes:

AYUDO PA DESAROLLO TA MUCHO COSTOSO PA ARUBA

ORANJESTAD(AAN): Minister Tico Croes a splica encunto e presupuesto di L.O.P. (Landsbedrijf Ontwikkelingsprojecten) contestando preguntan cu e carta cu gobierno a manda pa gobierno hulandes na october tabata un carta cu a sali despues di a analisa e relacion cu Hulanda den su totalidad. A bisa e tempo ey na varios ocasion cu a articula e pensamiento ey cu e relacion cu Hulanda ta debi esencialmente na aspectonan di seguridad y vulnerabilidad.

E ministro a splica cu e lucha di generacionnan na Aruba tabata pa ta doño di bo propio destino y cu a base di esfuerzonan propio mester yega un dia pa nos ta capaz completo pa financia nos propio proyectonan y cu e relacion cu Reino Hulandes ta un relacion cu me-


ster wordo mira riba cierto aspectonan di proteccion manera Justicia y cierto aspectonan di proteccion pa locual ta amenazanan internacional.

A papia den pasado caba riba esaki na varios ocasion y esaki a ser oficializa pa prome biaha den e carta di october. E carta ta basa tambe riba un analisis ob-
jetivo di ayudo pa desarrollo pa Aruba, el a muestra.

Si compara e ultimo añanan por ripara cu año 1990 tabata e año piek di ayudo pa desarrollo representando 15 porciento di presupuesto y awe e parti aki ta apenas 6 porciento.

Si nos kita di dje e parti cu ta paga Hulanda back 20.5 millon, ta yega na un suma di apenas 3 porciento.

"Nos ta calcula cu pa año tin por lo menos un luna y mey di trabao bay bin riba preparacion di proyectonan, riba correspondencia, riba aceptacion riba ehecucion, riba control di proyectonan te na mo-



mento di completa proyectonan.

"Djies e parti ey so comparando e cantidad di oranan di trabao, e no ta justifica esey. Di otro banda sin papia mes di e aspecto politico cu ta envolvi, cu constantemente nos ta parti di discusionnan, deliberacionnan den Tweede Kamer cu mi y un pregunta cu nos ta bisa nos mes, esaki no ta e caminda cu mester bay", el a splica.

Ministro Tico Croes a muestra tambe cu den Comision Central oposicion tambe a laga sa di no ta contento con cosnan ta bay relaciona cu e proyectonan aki.

Mester bay prensa riba mayor flexibilidad pa motibo cu cambianan grandi y rapido na mundo vooral di paisnan chiquito ta exige constantemente un flexibilidad mayor pa responde rapido riba oportunidadnan cu ta bin den sistema internacional y amenazanan tambe.

"Nos sa cu henter e proceso di ayudo di desarrollo cu tin un consenso den parlamento, ta demasiado poco poco, demasiado dificultoso. E ta strobabo di responde un dado momento na un manera oportuno y adecuado na bo necesidadnan. Pesey nos ta bisa cu e aspecto di asistencia tecnico tambe mester di un evaluacion profundo pa loke ta su eficiencia y efectividad pa maneho di gobierno di Aruba.

"Basa solamente riba esey caba, ta justifica un reevaluacion completo di nos relacion cu Hulanda riba yudanza pa desarrollo clasico y tradicional",

Minister Tico Croes, a muestra den reunion ayera tardi., Cuarenta año pasa cu yudanza pa desarrollo a cuminsa cu meta pa un dado momento e ta bira superfluo y cu cada pais riba su mes para riba su propio pia pa asina atende su propio asuntonan.

Gobierno actual ta di opinion cu e tempo a yega no pa reevalua solamente un biaha mas e asunto aki manera a manifesta den comision central y den e carta di 5 di october, pero e ora a yega pa cambia fundamentalmente e aspecto aki di yudanza pa desarrollo.

"El a baha di importancia relativo den henter asunto di nos presupuesto, el a bira un instrumento demasiado costoso pa nos, el a bira un instrumento ineficiente pa nos, el a bira un molester pa nos y e ta kitando oportunidadnan internacional haciendo cu Aruba no por haya un creditrating", Ministro Croes a splica parlamento ayera.

**PAREHA
COLOMBIANO
ATRAPA CU HEROINA
NA AEROPUERTO**

ORANJESTAD (AAN): Durante di e fin di siman di Fiesta largo cu ta tras di lomba Cuerpo di Departamento di Douane cu ta staciona na Aeropuerto Internacional Reina Beatrix, a logra intercepta un cantidad di e droga peligroso, Heroína.

DIARIO a compronde cu pa basta tempo caba Cuerpo di Douane ta riba un estado di alerta riba e isla aki, relaciona cu traficacion di droga cu a bolbe subi.

E biaha aki nan ta dirigi nan atencion muy en particular riba "Heroína", pa cual tin un demanda grandi riba mercado internacional.

Si tira un bista riba e rutanan internacional di droga, Colombia lo ta ricibi e producto bruto for di exterior y e cartelnan ta refina esaki den pureza.

Pa por introduci e producto aki na e mercadonan potencial, un cantidad di mula ta worde usa pa transporta e Heroína via di e.o. Centro America of islanan den Caribe (incluyendo Aruba) pa mercado Europeo of

E HOMBER DI DANDE !!!

